

Wáraga bi Yúda eké ní **Ledre gi ro búku bi Yúda ní**

Owú gbúgbú ledre ba Yúda bi ni kpá owú 'bi mbágá Yésu ní ekéne. Eké zí ngíti géyì 'yì ga bi 'bi Kírésìto ngíti géyì 'yì ranga e ndìsiní sínì doyé ní. 'Yì ranga ga gére nées iliní ndìsì óyóló'bó bilámá 'dódo ledre 'bi Kírésìto kenée nda yì eyé 'dí'biógù ledre máa wo bi 'yì idíní ndìsì méngì bisiní ledre ní. Yúda i'biógù tù'dù bilámá lili ledre e gi simi kurú miéké kúrú Lomo gi ro énzì komo 'yì ga bi 'bi Kírésìto ní kèe gi ro zìye tóroyé kpá fú ngbúó simi ledre 'bi Lomo kí bilámá ledre 'bi Yésu bi uwúní gi tara 'yìmikása ené e ní.

¹ Maa Yúda lúndu Yakóbo, máa bi 'yì moko 'bi Kírésìto Yésu ní.

Máéké ledre ba máa zise, sée 'yì ga bi 'Buzé Lomo oto 'búse go, zía gélé sée káa do mbigí 'yì ené e, zí Kírésìto Yésu ndìsiné go lúru bi kacise ní.

² 'Buzé Lomo idí óto 'búse, zía méngì bilámá ledre e zise rómoné mirómo gi ro zise ndìsìsé bilámáse.

'Yì ranga e

³ Owú 'bi Babá e simi Lomo, mándìsì kóo go yéme romá gi ro éké ledre gi ro tridri bi za fí bi gi rozé ní zise. Màyá f'i, utúasá miútúasá zíma

éké ledre máa wo ba ɱɱɱɱ romá kúe zúse gú ro zúse tórosé ngbúó simi ɱɱɱɱ ledre esé b́ Lomo i'bí zúse mbígí 'yí ené e ní za fí. ⁴ Gú zúe 'yí ɱanga ga b́ kóo ukuní ledreyé simi miéké kúrú Lomo ní olú uguní royé go dongaráse. 'Yí ga gére ní oyólo'bóní bilámá 'dódo ledre b́ kóo 'dodozé zúse ní go nda yí eyé gú ro bisinyí 'dódo ledre eyé. Zúye kpá ásiyé gú ro Kírésito Yésu b́ ní Ngére ezé ní.

⁵ Máuku zúse, ledre b́ kóo mengí roné zú Isiréle e simi b́ kóo Ngére Lomo 'di'bioyó yée gú simi Ízibiti ní, ndaá lígí sée wá. Gú 'dá'ba, zú mimbé'de Lomo ésíne royé do úfu yée ga b́ kóo ɱɱɱɱ ledre ené wá ní mbá 'dá'ba.

⁶ Ówosé kpá ledre b́ kóo mengí roné zú ngíti géyí maláyika ga b́ kóo toroní do bi eyé kací moko bi i'bí zúye ní wá ní go. Lomo odó yée go kí ká'dá késí b́ utúasá 'dəcí kú wá ní, do ónzó yée simi mongú gu b́ kí mituluru siminé ní, ndísi sóngó kadra ngbanga. ⁷ Kpá kenée, ídísé aka sómúndíki ledre Sodóma kí Gomóra kí gara ga b́ gbóo gbóo ore ní. 'Yí ga b́ simi gara ga gére née i'biní kóo royé kíngaya lá gú ro ndísi só'do royé kí 'yí ga b́ ofúní royé kéye wá ní, kpá kí méngí ledre ga b́ utúasá óto Lomo zúe ídine kí rokinyi wá ní. Gú zú ledre née ní, zú Lomo óngbóonzó yée kí pho'du b́ utúasá ílí wá ní gú ro zú 'yí e lúrútóko ledre gú roa.

⁸ 'Yí ga b́ máesi sílma komosé gú royé née, ndísiní méngí kéyí cé káa zú 'yí ga b́ ndísiní ɱanga kídí Lomo ndísi ódro zúye simi 'duru b́ ufuní royé go kí royé ní. Asiní kpá kí úwú

kúrú m̀ingburoko 'yì eyé e go do nd̀isìyé kpá úku maláyika e. ⁹ Gba ngére maláyika e bi kí ìrìné M̀áyikolo ní, simi bi nd̀isìní ófù kí ngére 'bi bicayi lomo e g̀i ro ledre umbu M̀úsa ní, uku ené kóo kese wá. Uku lá dujù kídí, “Lomo idí 'd̀éçì ngbanga eyì ne” ¹⁰ Tí lá 'yì ɽanga ga gére née nd̀isìní úku tara sínyi kí úku kese simi ledre bi owoní wá ní. Niyí yì eyé káa zì bangá rará ga bi nd̀isì ówo éyì e lá kí somoyé somù 'dikíní sogo ledre kí wá ní. Née s̀ì kókó umbuyé.

¹¹ Mongù nduwú ni karanée ógù ro 'yì ɽanga ga gére née. G̀i zía 'di'biní go nyé bisinyí m̀imbé'de bi kóo 'bi Káyina ní. 'Bú kèsì oto yée go zíye nd̀isìyé méng̀ì bisinyí ledre e káa zì 'bi o'do bi kóo kí ìrìné Baláma ní. Oyóní kpá sogoyé go zì Lomo cé káa zì ngíti o'do bi kóo kí ìrìné Kóra ní. G̀i zì kèyì née Lomo ni karanée úfu yée mbá.

¹² 'Yì ɽanga ga gére née dokuwu ndaá royé wá. Simi bi togù oguní go dongarase simi ayímbi ní, sómúní eyé do lafúye kí'dí bi 'yì niyí go ánu éyì ní wá. Niyí yì eyé káa zì iní bi ulù zì síli ìmb̀ìókpó a e'dj wá ní. Kpá káa zì kágá bi mbílía ndaá, ì'biní cýyía uyu go utúasá lolù ána wá ní. ¹³ Dokuwu ledre ga bi nd̀isìní méng̀ì yée ní oto yée go zíye ídíye káa zì iní bi ucu zía únzù cící éyì e doné sùu ndéré k̀ie kpá káa zì cící éyì bi síli nd̀isì ílì a moko ndaá simi a wá ní. Máúku zise, Lomo ni karanée 'dó'do yée zíye úyúónzó royé kí bisinyí ledre eyé ga gére née mbá 'dá'ba za fí.

¹⁴ Enóka bi kóo bulúndu bulúndu Ádama gbála g̀i 'dá'ba girí ní, uku'dodo kóo ledre bi

Lomo ni méngi a kí 'yi e káa zí 'yi ɾanga ga gére ní go 'desí kídí, “Karanée Ngére Lomo ni ógu, tú'dú maláyika ené e, ¹⁵ gi ro 'déci ngbanga 'yi e do í'bí bisinyí 'do'dó ro 'yi ga bi za mbá ndişiní méngi bisinyí ledre e ní. Lomo ni 'dódo 'yi méngi bisinyí ledre ga gére née gi zí tarasinyí bi ndişiní úku a roa ní.”

¹⁶ 'Yi ga gére née kací kadra mbá, mongú ledre eyé tí lá ndişí á'bá ledre. Zíye ndişiyé méngi ledre ga bi royé ili ní. Do ndişiyé óto royé kí ledreyé owóowó zí 'yi e mbá. Ndişiní úku mbá mingburoko ledre e lóndo 'yi e káe gi ro zí 'yi e ndişiyé méngi ledre ga bi royé iliní zíye.

Komosé idí idí rosé

¹⁷ Owú 'bi Babá e, tí lá ledre ga bi kóo 'yimíkása ga bi 'bi Kírésito Yésu Ngére ezé ukuní zise ní ndaní lígi sée wá. ¹⁸ Ukuní kóo zise kídí, “Simi odu şındı kadra, 'yi ɾanga e kí 'bú ledre bi royé ili doyé ní, niyi ógu do tónóye úkucáyi ledre gi ro Ngére Yésu.” ¹⁹ 'Yi ga gére née niyi ye 'yi ga bi ndişiní óto 'yi ga bi 'bi Kírésito ní ndişí ifi simiyé. 'Bú ledre bi royé ili ní romo komoyé go, gi zía 'Dówú Lomo ndaá simiyé wá.

²⁰ Máuku zise, idísé 'dí'bi şılıse sokó (10) ro ledre 'bi Yésu bi ngúngusé ní. Zise ndişisé ini ini zí Lomo káa zí bi 'Dówú Lomo ni 'dódo a ní kí mimbé'desé kje'do. ²¹ Idísé lánýá ro ledre 'bi Lomo kینگaya. Zise ndişisé óto komosé gi ro kadra mindá'baógu Kírésito Yésu Ngére ezé gi ro zía í'bí trıdrı bi za fı ní zise, gi zía mimbé'de a ni yi ené bilámáne ro 'yi e za mbá.

²² 'Yì máa yée ga bì sómù ledre eyé ni goó gbre gbre ní, ídísé sáká yée kí bilámá sómù ledre.

²³ Ídísé 'dí'bilúgu 'yì ga bì luyúní gí do misi'di 'bi Lomo go ní káa zí 'di'bioguní éyì gí ku pho'du ní gí ro zíye ómoyé. Ngiri mēngi bisinyí ledre idí idí rosé zí mimbé'desé idíne ro lafúse bilámáne. Ídísé sógó gba bongó eyé bì luyú ledre ni go roa gí zí bisinyí mimēngi ledre eyé ní.

Ini kí í'bí mbófo éyì zí Lomo

²⁴ 'Buzé Lomo bì roko'bua ofu go ní, idíze ndisi kófó iri a. Gí zía ni ne 'yì bì ni yómo sée káa bì áse luyú gí do misi'di 'bi Yésu, gí ro karanée zise ídise kí rokinyi kí'dí bì áse ógu kó'dú a luyú ledre ndaá rosé wá ní. ²⁵ Lomo, ndisize kófó iriyi gí zía ayí mbigí Lomo, bì yómo zée kpurú gí simi Kírésito Yésu bì ni Ngére ezé ní. Otozé úndruyi gí zía ayí duú yi Ngére 'bi 'yima'dí e do sogo kanga mbá, cóngoro kí roko'bú bì ziyi ní odu a ndaá. Idí kenée.

MIKÁNDA LORU 'BI LOMO KÍ DOSÍ ÉYÍ E
Baka: MIKÁNDA LORU 'BI LOMO KÍ DOSÍ ÉYÍ E New
Testament+

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

9ebc1b62-650d-5302-9391-27a31d140102